

কর্পোরেট জগৎ

ক্যারিয়ারের গন্তব্য নাকি সুকৌশলী ফাঁদ?

মো. মুকিদ হাসান সিয়াম

বছর: ২০২৬

ভূমিকা

দীর্ঘদিনের পেশাগত জীবনে নানা প্রতিষ্ঠানের সাথে কাজ করতে গিয়ে এবং চারপাশের সিস্টেমকে খুব কাছ থেকে দেখতে গিয়ে আমি একটা রুঢ় সত্য উপলব্ধি করেছি।

বাইরে থেকে কর্পোরেট জগৎকে ক্যারিয়ার গড়ার চূড়ান্ত গন্তব্য বলে মনে হলেও, ভেতর থেকে এটি অনেক সময়ই একটি সুকৌশলী ফাঁদ। একটা সময় পর মনে হতে বাধ্য যে, আমরা আসলে স্বাধীন মানুষ হিসেবে কাজ করছি, নাকি আধুনিক কোনো ক্রীতদাস প্রথায়ে জড়িয়ে পড়েছি?

আমার অভিজ্ঞতা থেকে কর্পোরেট কার্ঠামোর যে আসল রূপটি আমি দেখেছি, তা এখানে তুলে ধরছি।

১. আধুনিক মজুরি-দাসত্ব

কাজের সাধারণ ও যৌক্তিক সংজ্ঞা হলো—আমি একটি নির্দিষ্ট দক্ষতা বা 'সার্ভিস' দেব, এবং তার বিনিময়ে পারিশ্রমিক নেব। কিন্তু কর্পোরেট দুনিয়া শুধু সার্ভিস কেনে না; তারা আপনার পুরো 'সময়', মানসিকতা এবং শর্তহীন আনুগত্য কিনে নিতে চায়।

"আমাদের জীবন আসলে ছোট নয়, বরং আমরা নিজেরাই অন্যের দাসত্বে এবং অপ্রয়োজনীয় কাজে সময় ব্যয় করে একে ছোট করে ফেলি।"
— সেনেকা

যখনই স্কিল বিক্রির সীমানা পার হয়ে একজন কর্মীর কাছ থেকে দাসত্ব আশা করা হয়, তখনই কর্পোরেট জগৎকে একটা খাঁচা মনে হতে শুরু করে।

২. পদবির মোহ ও স্কিলের মৃত্যু

আমাদের দেশে প্রকৃত 'মাস্টার' বা স্কিলড কারিগরদের মূল্যায়ন নেই। স্যালারি বাড়াতে চাইলে সুকৌশলে বোঝানো হয়— 'হোয়াইট কলার' বা ম্যানেজারের পদবি ছাড়া টাকা বাড়বে না!

"কর্পোরেট কাঠামোতে মানুষকে প্রমোশন দিতে দিতে এমন একটি পদে নিয়ে যাওয়া হয়, যে কাজের জন্য সে সম্পূর্ণ অযোগ্য।"
— দ্য পিটার প্রিন্সিপল

কর্পোরেট চায় না কেউ কোনো কাজের মাস্টার হোক, কারণ মাস্টারকে সহজে রিপ্লেস করা যায় না, কিন্তু ম্যানেজার যে কাউকে বানানো যায়। পদবির পেছনে ছুটতে গিয়ে কোর স্কিলগুলো চর্চার অভাবে 'গার্বের্জ ইনফরমেশন' বা জঞ্জালে পরিণত হয়।

৩. সেরা ট্রেনিং গ্রাউন্ড

এত ফাঁদ জেনেও চাকরি করার প্রেরণা কী? স্বাধীন উদ্যোগ গড়ার আগে এই ফাঁদে পা দেওয়াটাই বড় বুদ্ধিমত্তার কাজ:

- **রিয়েলিটি চেক:** বাবার অচেল টাকা থাকলেও অন্যের অধীনে কাজ করলে টাকার প্রকৃত মূল্য বোঝা যায়। বকা শোনা মানুষের ভেতরের 'ইগো' ভেঙে দেয়।
- **মাঠপর্যায়ের অভিজ্ঞতা:** নিচ থেকে শুরু করলে প্রতিষ্ঠানের শেকড়ের কাজগুলো হাতে-কলমে শেখা যায়।
- **নেটওয়ার্কিং:** ক্লায়েন্টের সাথে যে সম্পর্ক তৈরি হয়, পরবর্তীতে তা বড় মূলধন হয়।
- **সহনশীলতার পরীক্ষা:** যে চাকরির চাপ নিতে পারে না, সে ব্যবসার ২৪ ঘণ্টার চাপ কখনোই নিতে পারবে না।

৪. কর্পোরেট কাদের জন্য?

আমি কর্পোরেটকে চালাওভাবে গালাগাল করি না। এই সিস্টেমটিকে আমি একটা দাবার ছক হিসেবে দেখি। এখানে মূলত দুধরনের মানুষ লাভবান হয়:

"ক্ষমতার খেলায় টিকে থাকতে হলে কখনো সিংহের মতো বলশালী, আবার কখনো শেয়ালের মতো ধূর্ত হতে হয়।"
— ম্যাকিয়াভেলি

১. দ্য ট্রিকস্টারস: এরা সিস্টেমকে নিজেদের স্বার্থে ধূর্ততার সাথে ব্যবহার করতে জানে।

২. টাইম-টার্গেট লার্নার: এরা সবচেয়ে বুদ্ধিমান। তারা নির্দিষ্ট সময়ের টার্গেট নিয়ে আসে শুধু কাজ শিখতে এবং অভিজ্ঞতা নিতে।

৫. ইসলাম কেন টার্গেট হয়?

আধুনিক কর্পোরেট ব্যবস্থার সাথে ইসলামের সরাসরি একটি আদেশিক সংঘাত রয়েছে।

পারিবারিক কাঠামোর বাণিজ্যিকীকরণ: কর্পোরেট দুনিয়া চায় শ্রমবাজারে কর্মীর সংখ্যা দ্বিগুণ করতে। ইসলাম পরিবারকে সমাজের 'হেডকোয়ার্টার্স' ধরে চমৎকার দায়িত্ব ভাগ করেছে— পুরুষ হলো 'ফিল্ড এজেন্ট', আর নারী হলো 'ইনডোর এক্সিকিউটিভ' (যিনি হেডকোয়ার্টার্স পরিচালনা করেন)।

"পরিবার হলো সমাজ ও রাষ্ট্রের সবচেয়ে মৌলিক একক। এর স্থায়িত্বের ওপরই রাষ্ট্রের স্থায়িত্ব নির্ভর করে।"
— অ্যারিস্টটল

ভোগবাদ ও ঋণের ফাঁদ

কর্পোরেট পুঁজিবাদের সবচেয়ে বড় হাতিয়ার মানুষকে ঋণের (লোন, ক্রেডিট কার্ড) জালে আটকে ফেলা। একজন ঋণে জর্জরিত মানুষ সহজেই দাসে পরিণত হয়।

"যে সবচেয়ে কম জিনিসে সন্তুষ্ট, সে-ই সবচেয়ে ধনী।"

— সক্রেটিস

ইসলামে সুদ হারাম এবং অপচয় কঠোরভাবে নিষিদ্ধ। একজন প্রকৃত মুসলিমকে বিজ্ঞাপনের ফাঁদে ফেলে ভোক্তা বানানো বা ঋণের জালে আটকে দাসে পরিণত করা যায় না বলেই ইসলাম কর্পোরেটের প্রধান টার্গেট।

শেষ কথা

আমার নিজস্ব একটি উপলব্ধি দিয়ে লেখাটি শেষ করছি—

"চাকরি ছাড়া ব্যবসা করতে চাওয়া, আর চাকরি দিয়ে এস্টাবলিশড হতে চাওয়া ব্যক্তি হলো সবচেয়ে বড় মূর্খ।"

— মো. মুকিদ হাসান সিয়াম

বছরের পর বছর নিখুঁতভাবে স্কিলড সার্ভিস দেওয়ার পরও কর্তৃপক্ষের একটা সিদ্ধান্তে যেকোনো দিন আপনার ডিপার্টমেন্ট বাতিল হয়ে যেতে পারে।

কর্পোরেট জগৎ কাজের অভিজ্ঞতা নেওয়ার জন্য দারুণ একটা জায়গা, কিন্তু এটি কখনোই স্বাধীন জীবনের চূড়ান্ত গন্তব্য হতে পারে না। যে এই সত্যটা বুঝতে পারে, সে ফাঁদ এড়িয়ে নিজের রাস্তা নিজেই তৈরি করে নেয়।